

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik



Bosnia and Herzegovina
Federation of Bosnia and Herzegovine
Canton Sarajevo
Town Sarajevo
Novi Grad Municipality Sarajevo
Mayor of Municipality

Na osnovu člana 15. Zakona o principima lokalne samouprave u Federaciji Bosne i Hercegovine («Službene novine Federacije BiH», broj:49/06 i 51/09), člana 30. Statuta Općine Novi Grad Sarajevo («Službene novine Kantona Sarajevo», broj:1/24), člana 9. i 14. Odluke o organizaciji Jedinog općinskog organa uprave Općine Novi Grad Sarajevo («Službene novine Kantona Sarajevo», broj: 6/17), člana 11. Odluke o finansiranju i sufinansiranju projekata nevladinih i neprofitnih organizacija koje djeluju na području Općine Novi Grad Sarajevo („Službene novine Kantona Sarajevo“ broj 22/17, 45/19 i 43/20), Strategije razvoja Općine Novi Grad Sarajevo 2021-2027.godine («Službene novine Kantona Sarajevo», broj:26/22), Općinski načelnik na prijedlog Službe za obrazovanje, kulturu i sport, objavljuje:

**JAVNI POZIV
NEVLADINIM I NEPROFITNIM ORGANIZACIJAMA I
NEVLADINIM I NEPROFITNIM ORGANIZACIJAMA HUMANITARNOG KARAKTERA
ZA PREDLAGANJE KANDIDATA/KINJE ZA ČLANA/ICU KOMISIJE ZA OCJENJIVANJE I
IZBOR PROJEKATA**

A/. Pozivaju se nevladine i neprofitne organizacije (u daljem tekstu: organizacije) da dostave prijedlog kandidata/kinju koji/a će biti imenovan/a za člana/icu Komisije za ocjenjivanje i izbor projekata **nevladinih i neprofitnih organizacija**, po Javnom pozivu za prijavu prijedloga projekata nevladinih i neprofitnih organizacija koji će se finansirati sredstvima iz Budžeta Općine Novi Grad Sarajevo u 2026. godini, objavljen u sredstvima javnog informisanja i web stranici Općine Novi Grad Sarajevo.

B/. Pozivaju se nevladine i neprofitne organizacije humanitarnog karaktera (u daljem tekstu: organizacije humanitarnog karaktera) da dostave prijedlog kandidata/kinju koji/a će biti imenovan/a za člana/icu Komisije za ocjenjivanje i izbor projekata **nevladinih i neprofitnih organizacija humanitarnog karaktera**, po Javnom pozivu za prijavu prijedloga projekata nevladinih i neprofitnih organizacija humanitarnog karaktera koji će se finansirati sredstvima iz Budžeta Općine Novi Grad Sarajevo u 2026. godini, objavljen u sredstvima javnog informisanja i web stranici Općine Novi Grad Sarajevo.

C/. Jedan predloženi kandidat/kinja može biti član/ica jedne od naprijed navedenih komisija.

D/. Organizacije i organizacije humanitarnog karaktera mogu predložiti kandidate/kinje za obje komisije.

E/. Nevladina organizacija je dužna dostaviti sljedeću dokumentaciju:

1. Dokaz da je organizacija osnovana i registrovana u Bosni i Hercegovini:
 - ovjerena kopija rješenja o registraciji
2. Dokaz da nevladina organizacija ima iskustvo u provođenju aktivnosti iz oblasti djelovanja utvrđenih javnim pozivom:
 - kopija Statuta organizacije i kopija opisnog izvještaja o radu za prethodnu godinu
3. Ime i prezime predloženog kandidata/kinje

4. Naznačiti za koju komisiju se predlaže kandidat/kinja
5. Dokaz o iskustvu kandidata/kinje sa akcentom na iskustva u civilnom sektoru (CV, certifikati, ugovori / rješenja o angažmanu na poslovima u ocjenjivanju projekata i drugi dokumenti)
6. Kontakt telefon organizacije i predloženog kandidata/kinje

Prednost prilikom odabira člana Komisije će imati:

- organizacija sa registrovanim sjedištem na području Općine Novi Grad Sarajevo
- organizacija koja ima iskustvo u implementaciji projekata iz oblasti djelovanja utvrđenih javnim pozivom.

Odabir kandidata/kinje će izvršiti nadležna Služba za obrazovanje, kulturu i sport, te će organizacijama i organizacijama humanitarnog karaktera koji su dostavili svoje prijedloge dostaviti obavijest o izvršenom odabiru.

Odabrani kandidati će prije razmatranja dostavljenih aplikacija po Javnom pozivu potpisati izjavu o sukobu interesa koja uključuje da član komisije:

- a) nije lično i/ili članovi njegove porodice (bračni ili vanbračni drug, dijete ili roditelj) nisu zaposlenici, članovi, članovi upravnog tijela ili rukovodioci kod podnosioca prijave,
- b) nije povezan na bilo koji način sa podnosiocem prijave kod drugih lica (partnerski odnos u provođenju projekta i sl.),
- c) nema materijalni ili nematerijalni interes u odnosu na javni interes u slučajevima porodične povezanosti, ekonomskih interesa ili drugog zajedničkog interesa.

Prijedlozi kandidata/kinje za imenovanje u Komisiju za ocjenjivanje i izbor projekata nevladinih i neprofitnih organizacija i Komisiju za ocjenjivanje i izbor projekata nevladinih i neprofitnih organizacija humanitarnog karaktera sa pratećom dokumentacijom mogu se podnijeti u roku od 15 dana od dana objavljivanja Javnog poziva na web stranici Općine Novi Grad Sarajevo u zatvorenoj koverti u jednom primjerku, putem protokola Općine Novi Grad Sarajevo svakim radnim danom od 8 do 16 sati ili poštom preporučeno na adresu:

Općina Novi Grad Sarajevo

Služba za obrazovanje, kulturu i sport

Bulevar Meše Selimovića br. 97

sa naznakom „ZA JAVNI POZIV – Prijedlog kandidata/kinje za Projekte NVO-a“ - NE OTVARAJ

„ZA JAVNI POZIV – Prijedlog kandidata/kinje za Projekte NVO-a“ humanitarnog karaktera“ - NE OTVARAJ

Nepotpune i neblagovremene aplikacije neće se razmatrati.

Dokumenta se ne vraćaju.